



REGLUGERÐ UM STIGAMÓT UNGLINGA

1. kafli

1. gr.

GSÍ gengst árlega fyrir stigamótum í unglingsflokkum. Mót þessi skulu vera Íslandsmót unglinga, Íslandsmót í holukeppni og fjögur önnur mót sem stjórn GSÍ ákvarðar.

2. gr.

Stjórn GSÍ skal auglýsa mótið og hafa yfirumsjón með framkvæmd þess. Hún skal skipa menn í mótsstjórn í samráði við viðkomandi klúbba a.m.k. einum mánuði fyrir mótið. Stjórn GSÍ skal skipa a.m.k. einn dómara á hvern keppnisvöll. Viðkomandi klúbbur skal leggja dómurum og mótsstjórn til golfbíla, talstöðvar eða önnur fjarskiptatæki og sjá um kostnað vegna mótsstjórnar og dómara. Skipaður dómari í flokkum 15 ára og eldri skal hafa landsdómararéttindi.

3. gr.

Stjórn GSÍ ákveður þátttökugjöld og sér sá klúbbur sem heldur mótið á hverjum tíma um innheimtu. Þátttökugjald rennur alfarið til þess klúbbs er heldur mótið.

GSÍ á allan rétt gagnvart ljósvakamiðlun frá mótinu. Sá klúbbur sem heldur mótið á hverjum tíma skal útvega fjölmiðlum viðeigandi aðstöðu í klúbbhúsi. Stjórn GSÍ hefur rétt til að kynna samstarfsaðila sína á þeim keppnisvöllum sem mótið fer fram, í formi skilta, með fánum eða öðrum þeim hætti sem stjórn GSÍ ákveður. Þá skal merki GSÍ ávallt koma fram á öllu því efni sem útgefið er í sambandi við mótið og jafnframt vörumerki þeirra aðila sem eru samstarfsaðilar GSÍ að mótinu.

4. gr.

Þátttakendur skulu tilkynna um þátttöku til þess klúbbs sem mótið heldur a.m.k. 5 dögum fyrir fyrsta mótisdag. Mótsstjórn getur þó heimilað þátttöku, berist tilkynning síðar enda hafi hámarksfjölda þátttakenda ekki verið náð.

5. gr.

Almennir keppnisreglur og almennar staðarreglur, sem stjórn GSÍ setur, skulu gilda í mótunum. Mótsstjórn getur þó auglýst viðbætur og frávik ef þörf krefur. Jafnframt skal hún hafa eftirlit með merkingum vallar og holustaðsetningum og getur ákveðið breytingar. Þá getur mótsstjórn ákveðið að fresta eða fella niður umferð eða umferðir vegna veðurs. Staðarreglur og



keppnisskilmálar skulu vera fyrir hendi þegar á æfingadegi.

Öll notkun tóbaks, þ.m.t. munntóbaks, er bönnuð í klúbbhúsum og á keppnisvelli.

6. gr.

Þátttökugjöld skulu greidd við skráningu. Þátttökugjald fæst einungis endurgreitt séu forföll boðuð eigi síðar en kl. 18:00, þremur dögum fyrir fyrsta keppnisdag.

2. kafli

7. gr.

Hvert stigamót að Íslandsmóti og Íslandsmóti í holukeppni undanskildu skal vera allt að 54 holum. Skyld er að keppnisvöllur sé opinn til æfinga fyrir skráða keppendur í minnst einn dag fyrir mót. Stjórn GSÍ ákveður hvar og hvenær þessi mót eru haldin og felur viðkomandi klúbb framkvæmd mótsins.

8. gr.

Keppt skal í eftirtöldum flokkum. Aldur miðast við almanaksár.

Stúlknaflokkur	14 ára og yngri
Stúlknaflokkur	15-16 ára
Stúlknaflokkur	17-18 ára
Stúlknaflokkur	19-21 árs

Piltaflokkur	14 ára og yngri
Piltaflokkur	15-16 ára
Piltaflokkur	17-18 ára
Piltaflokkur	19-21 árs

Stjórn GSÍ er heimilt að skipuleggja úrtökumót til að velja kyfinga til þátttöku í stigamótin og er mótsstjórn jafnframt heimilt að takmarka rétt til þátttöku við forgjöf. Þá er mótsstjórn heimilt að setja hámarksfjölda keppenda í hverjum flokki. Ákvörðun um úrtökumót, hámarksforgjöf, hámarksfjölda og teiga skal kynnt í keppnisskilmálum. Einnig er mótsstjórn heimilt að sameina flokka ef þátttakendur í flokki eru færri en 4.

Ekki er heimilt að hafa fleiri en þrjá í hverjum ráshóp.

9. gr.

Mótsstjórn ákveður rástíma og leikröð keppenda og skal hún kynnt ekki síðar en á fyrsta



æfingadegi.

Verði tveir eða fleiri keppendur jafnir í efsta sæti skal leikinn bráðabani. Ekki er leikið sérstaklega um önnur sæti. Þetta ákvæði á þó ekki við um Íslandsmót í golfi í unglingsflokkum, sbr. reglugerð um það mót.

10. gr.

Stig eru reiknuð út með eftirfarandi hætti: [Sjá meðfylgjandi stigalista.](#)

Verði tveir eða fleiri keppendur jafnir skiptast þau stig sem til falla jafnt milli keppenda.

Í þeim tilvikum þegar leikið er um einstök sæti skulu stig sem tilheyra því sæti fara óskert til þess keppenda sem hlýtur sætið.

11. gr.

Stigameistari stelpna, telpna, stúlkna, stráka, drengja og pilta eru þeir kyflingar sem flest stig hafa hlotið að stigamótum loknum. Ef fleiri en einn eru jafnir að stigum að stigamótum loknum teljast þeir báðir eða allir sigurvegarar.

12. gr.

Stigameistari golfklúbba í unglingsflokkum er sá golfklúbbur sem er efstur að sameiginlegum stigum þeirra kyflinga sem keppa í hverjum flokki fyrir hönd klúbbsins úr öllum stigamótum ársins. Stjórn GSÍ hefur heimild til að setja reglur um fyrirkomulag keppinnar, þ.m.t. hámarksfjölda keppenda sem eru taldir til stiga í hverjum flokki.

13. gr.

Að öðru leyti gilda Móta- og keppendareglur GSÍ.

14. gr.

Þannig samþykkt á stjórnarfundum GSÍ 12. apríl 2017.